



**NGO "Syri i Vizionit"**  
Rr. Isa Demaj nr.14, 30000, Pejë, Kosovë  
+381 (0)39 423 240, +377 (0)44 111 408  
info@syriivizionit.org, www.syriivizionit.org  
**mendo globalisht, vepra lokalisht**

## **Termet e Referencës**

### **Trajnim: "Prokurimi publik"**

#### **Hyrje**

Organizata Syri i Vizionit (SiV) është regjistruar zyrtarisht si organizatë joqeveritare lokale në shtator të vitit 2001, por ka filluar të funksionojë edhe më herët, që nga 1999, si Organizatë e Bazuar në Komunitet (CBO) në komunën e Pejës.

Që nga fillimi, motoja e organizatës ka qenë "Mendo globalisht, vepra lokalisht", të cilës organizata jonë i ka qëndruar besnike deri më tani. Misioni i organizatës është "mbështetja e komunitetit përmes informimit, avokimit e vetëdijësimit, si dhe ngritja e kapaciteteve e bashkëpunimi me individë, grupe joformale, organizata, institucione, rrjete dhe donatorë" dhe synojmë të vazhdojmë të jemi një "organizatë që realizon veprime lokale të bazuara në praktikat më të mira".

#### **Informata të përgjithshme**

Tash e disa vjet Syri i Vizionit (SiV) është duke zbatuar projektin "Qytetaria Aktive" dhe është angazhuar në zhvillimin, fuqizimin e krijimin e mekanizmave për aktivizimin e qytetarisë aktive në Kosovë.

#### **Objektivi**

Syri i Vizionit kërkon të angazhojë një trajner-profesionist me përvojën e duhur në fushën e prokurimit në temat:

1. Procesi i buxhetimit komunal
2. Planifikimi i prokurimit
3. Mbikëqyrja e procesit të prokurimit
4. Menaxhimi i kontratave

5. Auditimi social dhe raportet e auditimit.
6. Mentorimi

Trajnimet kanë për qëllim të ngritin njohuritë e kryetarëve të këshillave lokal në mënyrë që ata të jenë në gjendje të mbikëqyrin kontratat publike të projekteve të cilat realizohen në lokalitete që ata përfaqësojnë dhe realizimin i punëve në mënyrë sa më të duhur nga ana e kompanive përfituese.

30 kryetarë të këshillave lokal nga komuna e Rahovecit dhe Gjakovës do të jenë përfitues të trajnimit, ku edhe është duke u zbatuar projekti “Qytetaria Aktive” nga organizata Syri i Vizionit me mbështetje financiare nga Olof Palme International Center dhe Agjencia Suedeze për Bashkëpunim dhe Zhvillim Ndërkombëtar - SIDA.

#### **Kualifikimi i nevojshëm:**

- Diplomë universitare në Biznes, Administratë apo Financa, apo fusha të tjera relevante (kualifikimi master dhe edukimi profesional/joformal në këtë fushë është përparësi);
- Përvojë e punës së paku dyvjeçare në ofrimin e trajnimeve dhe realizimit të tyre që kanë të bëjnë me mbikëqyrjen e prokurimit publik;
- Njohuri për prokurimin publik në Kosovë, platformën për prokurimin elektronik dhe parimet e praktikave evropiane të qeverisjes së mirë për sistemet e prokurimit publik
- Aftësi të larta ndër-personale;
- Shkathtësi të larta analitike.

#### **Detyrat dhe përgjegjësitë:**

Nga trajneri/ja i/e angazhuar pritet të:

- Zhvillojë modulin e trajnimit në konsultim me stafin përgjegjës të SiV-it për rishikim dhe miratim paraprak;
- Përgatisë materialet e nevojshme shtesë për secilin modul të trajnimit, rendin e ditës për trajnim në konsultim me stafin përgjegjës të SiV-it për rishikim dhe miratim paraprak;
- Udhëheqë trajnimin me profesionalizëm, sqarojë e shtjellojë tematikën dhe shprehjet përkatëse;
- Dorëzojë draft raportin narrativ të angazhimit, përfshirë objektivat, realizimin e punës, jo më vonë se pesë (5) ditë pune pas mbajtjes së trajnimit;
- Dorëzojë raportin narrativ përfundimtar tek SiV jo më vonë se pesë (5) ditë pune pasi të ketë pranuar komentet e mundshme nga SiV.

### Angazhimi i trajnerit/es:

Trajneri/ja do të angazhohet me anë të një kontrate mbi vepër me “Syri i Vizionit” nën koordinimin e Menaxherit të Financave dhe Administratës. Në këtë kontratë do të përcaktohen në mënyrë specifike pikat të cilat nuk janë të përfshira në këtë dokument.

Detyrat	Kohëzgjatja
Mbajtja e trajnimit treditore me kryetarët e këshillave lokal nga komuna e Rahovecit dhe Gjakovës.	3 ditë
Mbajtja e dy takimeve me kryetarët e këshillave lokal nga komuna e Rahovecit dhe Gjakovës.	2 ditë
Monitorim	5 ditë
<b>Gjithsej:</b>	<b>10 ditë</b>

### Kushtet e pagesës:

Pagesa e trajnerit/es do të bëhet sipas faturës përkatëse për kryerjen e shërbimeve e cila do të lëshohet nga trajneri/ja, ose do të përgatitet nga SiV e do nënshkruhet nga trajneri/ja. Pagesa do të realizohet përmes transaksionit bankar në valutën euro. Pagesa do të bëhet pas përfundimit me sukses të moduleve të trajnimeve dhe dorëzimit të raportit narrativ të miratuar nga SiV.

Në bazë të ligjit të Kosovës, Syri i Vizionit është po ashtu i obliguar që të paguajë tatimin (taksa dhe pension) prej 10% të shumës bruto. Shpenzimet e ushqimit do t'i mbulojë organizatori.

### Dokumentet e kërkuara dhe procedura për aplikim:

- Kopja e diplomës universitare (ndonjë certifikatë e licencimit nga institucioni përgjegjës konsiderohet përparësi);
- Biografia (CV)
- Propozimi financiar (*Oferta financiare duhet të jetë e hollësishme për secilën punë e cila do të realizohet, duke përfshirë zhvillimin e modulit dhe materialet e trajnimit, mbajtjen e trajnimeve dhe shkrimin e raportit.*)

Aplikacionet duhet të dorëzohen në gjuhën lokale, në formë elektronike në e-mail adresën: [info@syriivizionit.org](mailto:info@syriivizionit.org) ose [arbresha.demaj@syriivizionit.org](mailto:arbresha.demaj@syriivizionit.org) me titullin Aplikacioni për prokurimin publik, apo edhe përmes postës fizike në adresën e organizatës: OJQ “Syri i Vizionit”, Rr. Isa Demaj, nr. 14, 30000 Pejë, Kosovë.

Afati i fundit për dorëzimin e aplikacionit është **10 maj 2021, në ora 16:00.**

***Vetëm kandidatët e suksesshëm do të kontaktohen!***